



PREZIDÊNCIA
KONSELLU
MINISTRUS
VIII GOVERNUN KONSITUSIONÁL



Gabinete
Porta-Voz

Komunikadu Imprensa

Sorumutuk Konsellu Ministrus nian iha loron 27 fulan-janeiru tinan 2021

Konsellu Ministrus hala'o sorumutuk iha Palásiu Governu, iha Dili no, bazeia proposta Ministru Obras Públikas, Salvador Soares dos Reis Pires, delibera hodi nomeia hanesan **membru sira Konsellu Administrasaun Autoridade Nasionál Eletridade (ANE I. P.) nian**, ba períodu tinan haat. Membru sira ne'e maka: Ruben Jerónimo Freitas, hanesan Presidente Konsellu Administrasaun, Jaime Godinho Soares, hanesan Vise-Presidente no Aurora Teresa Carvalho Magno, Júnior Raimundo da Cruz no José Maria Xavier, hanesan vogál sira

Bazeia mós ba proposta Ministru Obras Públikas nian, Konsellu Ministrus delibera hodi nomeia hanesan **membru sira Konsellu Administrasaun Autoridade Nasionál Bee no Saneamentu (ANAS I.P.) nian**, ba períodu tinan haat. Membru sira ne'e maka: Domingos Pinto, hanesan Presidente Konsellu Administrasaun, Francisco Xavier Pereira, nu'udar Vise-Presidente no Miguel António Ximenes, Dulce Soares no Eugénio Lemos, hanesan vogál sira.

Konsellu Ministrus aprova ona projetu Rezolusaun Governu nian, ne'ebé apresenta husi Ministru Turizmu, Komérsiu no Indústria, José Lucas do Carmo da Silva, kona-ba alterasaun daruak ba Rezolusaun Governu N. 20/2019, loron 14 fulan-juñu, ne'ebé nomeia **Autoridade Nasionál ba Expo Dubai 2020**. Ho alterasaun ida-ne'e, Ministru José Lucas do Carmo da Silva substitui Francisco Kalbuady Lay.

Ministru Finansas, Rui Augusto Gomes no Ministru Koordinadór Asuntus Ekonómikus, Joaquim Amaral halo ona apresentasaun ida ba Konsellu Ministrus kona-ba **progresu Programa "Cesta Básica"**.

Ikusliu, Ministru Transportes no Komunikaosins, José Agostinho da Silva, apresenta **opsaun polítiku-lejizlativa nian sira kona-ba alterasaun dahuluk Dekretu-Lei N.15/2012, loron 28 fulan-marsu, kona-ba Regulamentasaun husi Setór Telekomunikaosins no ba kriasaun regulamentu husi atus regulasaun administrativa nian iha setór telekomunikaosins**. Opsaun polítiku-lejizlativa sira ne'ebé apresenta ne'e ho nia objetivu



Palácio do Governo,
Avenida Presidente Nicolau Lobato,
Dili, Timor-Leste



PREZIDÊNCIA
KONSELLU
MINISTRUS
VIII GOVERNUN KONSSTITUSIONÁL



Gabinete
Porta-Voz

mak atu altera ka reformula solusaun anteriór balun ne'ebé eziste ona ne'e no klarifika konseitu tékniku no jurídiku balun no tipu prosedimentu regulatóriu sira. Hakarak mós klasifika asaun ka omisaun sira ne'ebé sai nu'udar konduta ne'ebé proibida no esklareso ninia sansaun administrativa sira. **REMATA**



Palácio do Governo,
Avenida Presidente Nicolau Lobato,
Dili, Timor-Leste